

<i>pensum 1</i>	☺	finiu	currigiu
-----------------	---	-------	----------

Sin tgei continent sesanfla Ecuador? **America**

Nua ei Ecuador?

Enquera silla carta da geografia ed enramescha la tiara cun **tgietschen!**



Nua sesanfla **Esmeraldas**, il marcau nua che Pablo viva?

Marchescha cun **tgietschen** quei marcau sin tia cartal!

☞ Tia scolasta/tiu scolast declara tgei ch'il Tierz mund ei e daco che Ecuador ei era ina tiara dil Tierz mund.

***pensum 2***



finiu

currigiu


Ad Ecuador ei ina gronda part dalla glied fetg paupra. Tgei autras parts dil mund enconuschas ti aunc, nua che la glied viva en paupradad, egl aschinumnau Tierz mund?

Marchescha sin tia carta (da pensum 1) cun **verd** e scriva entgins numns da tiaras sillas lingias giusut:

---

---

---





Pablo viveva en in slum.

Tgei ei in slum? Fai ina crusch e controllescha silsunter tia sligiazium.

- In slum ei ina part dil marcau, nua che biars affons vivan.
- In slum ei in quater dil marcau, baghegiaus sin ina plaunca, aschia ch'ei dat difficultads cull'aua, sch'ei plova fetg.
- In slum ei in quater, nua che glied fetg paupra viva sut circumstanzias fetg schliatas. Bia glied viva en hettas fetg semplas e primitivas.
- In slum ei ina part d'in marcau, nua che affons schubregian calzers e van buca a scola.

Legia bein co il slum vegn descrets el text. Sas far ina skizza dalla casa da Pablo?

Cumpareglia tia skizza cullas skizzas da tias conscolaras e tes conscolars!

<b><i>pensum 4</i></b>		finiu	currigiu
------------------------	---	-------	----------

Ordinescha las construcziuns tenor la dretga successiun sco el text!

3	La mumma va cun Pablo ella casa d'affons, nua che Pablo vegn a viver ils proxims onns.
6	Enzatgei ch'el ha astgau emprender ei da leger e scrire. Quei fa che Pablo ei fetg cuntents, perquei ch'el sa che ses fargliuns han buca quella pusseivladad.
7	Pablo ha buca pli viu ses fargliuns. Sulettamein sia mumma ha visitau el enzacontas gadas. El lai encrescher per els.
1	Pablo, il buobet da sis onns, viva cun sia mumma e ses siat fargliuns el 'Barrio Rio', in slum dil marcau Esmeraldas.
5	Cul temps sesenta el adina meglier. El ha buns amitgs ed el gauda da far giugs cun lezs. Ballapei ei siu giug preferiu.
2	Ses fargliuns ed el san buca ir a scola, enstagl ston els luvrar per gidar la mumma a fadigiar entgins daners per cumprar da magliar.
4	Il buobet sto gl'emprem s'endisar vid bia caussas ch'el enconuscheva buca avon.


<b><i>pensum 5</i></b>		finiu	currigiu
------------------------	---	-------	----------

Fai ina crusch: Tgei va a prau tier tgi?


mumma da Pablo	Pablo (ella casa d'affons)	frar ni sora da Pablo	
	X		sa scriver e leger
		X	sto schubergiar calzers e far outras lavurs per fadigiar entgins daners
X		X	ha buca aua currenta
X		X	va a pei blut
X			ha stuiu prender ina greva decisiun
	X		vul parter e stat mal pils auters
	X		sto emprendre ina massa caussas buca enconuschentas
X		X	viva el 'Barrio Rio'
	X		astga durmir en in endretg letg
		<b>X</b>	sto ir el flum per l'aua
	X	X	enconuscha buca il bab
X			cuntscha resti e fa vestgius per la gliעד

<b><i>pensum 6</i></b>	☺	finiu	currigiu
------------------------	---	-------	----------

Tgei fetschel jeu bugen?  
Scriva si tes hobis!



Tgei hobis ha Pablo?



Tgei haveis vus, ti e Pablo, semegliont?


---

---

---

<i><b>pensum 7</b></i>	☺	finiu	currigiu
------------------------	---	-------	----------

Tgei manegias che Pablo e ses fargliuns han buca che ti has?






Vegnan aunc outras caussas endamen a ti? Aschunta cun cavazzins!

<b><i>pensum 8</i></b>		finiu	currigiu
------------------------	---	-------	----------

Tgei siemis ha Pablo?

Scriva!

- mussar als fargliuns ed alla mumma da scriver
- el vul daventar scolast
- esser giugadur da ballapei
- el giavischa che sia famiglia sappi in di era viver aschi bein sco el ella casa d'affons



<b><i>pensum 9</i></b>	  	finiu	currigiu
------------------------	---	-------	----------

En Svizra vivin nus en beinstonza. Havein nus denton era la pusseivladad da gidar affons sco Pablo?

Discussiunei e notei entginas pusseivladads co nus savessen gidar!

**ideas**



<i><b>pensum 10</b></i>	 	finiu	currigiu
-------------------------	---	-------	----------

Contemplei las fotografias 1-4 che tia scolasta/tiu scolast ha da Pablo e ses amitgs dalla casa d'affons. Discutei en gruppas:

Tgei impressiun fan ils maletgs a ti?  
Havevas ti s'imaginau ei aschia?  
Scriva si tias impressiuns en cavazzins!

**maletg 1**

---

---

---

---

---

**maletg 2**

---

---

---

---

**maletg 3**

---

---

---

---

**maletg 4**

---

---

---

---

<i><b>pensum 11</b></i>		finiu	currigiu
-------------------------	---	-------	----------

In plaid va mintgamai buca a prau cun Esmeraldas, il marcau da Pablo. Strihei mintgamai il plaid/ils plaids che descriva/n tenor vies meini buca il marcau da Pablo ell'America dil sid!

- a) mar – ballapei – **neiv** – plievgia
- b) paupradad – bia affons – **bia glied reha** – disoccupaziun
- c) bananas – glied da pial stgira – **bunas vias** – salsa
- d) lavur d'affons – clima tropic – violenza – **turists**
- e) **mintga affon empren da scriver e leger** – grondas famiglias – criminalitad - fom